


Հասարակ Անդրկովկասում տարածված ձևը, որն անշուշտ մշակվել է տեղում, ինչպես այդ երևում է այն իրերից, որոնք գտնվում են մեր թվարկությունից առաջ առաջին հազարամյակին պատկանող հին թաղումների մեջ: Այսպես՝ Բայերնի և Մորգանի պեղումները հայտնաբերել են բրոնզե դարի վերջերի դամբարաններում կամէր, բոլորովին նույն ձևի, ինչ որ մինչև վերջերքը մնում էր ընդհանուր գործածության մեջ: Զանգեզուրում տարածված էր երկփեղկ կամեր, մինչդեռ Լոտում ավելի հաճախակի հանդիպում է միափեղկ լայն տեսակը, մի բան, որ բացատրվում է հաստաբուն ծառերի առկայությամբ Լոտվա ձոխ անտառներում:

Խուրձերը թե՛ դիզում էին և թե՛ դեզից ցած բերում կալի վրա բաց անելու ժամանակ երկմատ եղանակով՝ հէշայավ, յէդոլիավ³⁸: Դա մի հաստ երկճեղ ճյուղ է, որի մատները դեպի վեր են ծովում: Կալի վրա հասկերը պարանում³⁹ էին չորս կամ հինգմատնանի վրցելիավ⁴⁰: Ներգաղթած հայերի համայնքներում քառեջտավ կամ ավելի մեծ և հաճախ մի փայտից շինած լամփարավ կալի մեջտեղը հավաքում էին ծեծածը և վերջը դարմանը մղում էին մարագը մղանավ: Դա մի 60—70 սմ երկարություն և 25—30 սմ լայնություն ունեցող ուղղահայաց տախտակ է, որի ստորին մասի ծակի մեջ նստեցրած է երկար կոթը: Քամում՝ էրան էին տալիս, քիակում էին թեթև քիակավ:



Գծ. 9. Թակ:

Ավելի լայն ու երկար ծանր թին գործ էր անում գլխավորապես տէրմանր մարագ ձգելու և նրա մեջ հավասար տեղավորելու համար: Նրա հետ հավասարապես աշխատում էին և ավելի թեթև լամփարավ: Հետաքրքրական է, որ Զանգեզուրի բոլոր գյուղերում գործ է անում միայն կալը թակել՝ կալը ծեծել դարձվածքները: Սա անշուշտ կալսելու հնագույն ձևի հիշողության մնացորդն էր, որը բերել են հնդեվրոպական էթնիկ տարրերը իրենց նախնական հայրենիքից, որտեղ հասկերի միջից հատիկները անջատում էին ծեծելով, թակելով⁴¹: Թվում է, թե այդ նախահայրենիքից էր բերված և տէփ կառուցելու սովորությունը, որը շատ է հիշեցնում ռուսական «ГУМНО-ն», որտեղ խուրձերը թողնում էին չորանալու և ապա հենց ներսում ծեծում:

Կալի աշխատանքները վերջանում էին հատիկները հողից, դարմանի մնացորդից և ամեն տեսակ աղբից մաքրելով: Այնուհետև բերվում էին մաղերը՝ խոշոր աչքերով շրտարաբները⁴² ոլորած կաշվե թելերով հյուսված, ցորենի, գարու և մանավանդ հաճարի համար. երբեմն օգտագործում էին և խախավները ավելի մանր աչքերով, նույնպես կաշվե, բայց ավելի բարակ թելերով հյուսված, առավելապես ցորենի համար: Ամենաբարակ մաղը, մազից

³⁸ Արծվանիկ:

³⁹ Ըստ Պարսկաստանից գաղթած համայնքների տերմինների՝ շրնում էին:

⁴⁰ Արծվանիկում՝ քրմէլիավ:

⁴¹ Цепами молотить.

⁴² Ներգաղթած համայնքներում ընդունված էր սարադ բառը: